

A "Lied" af unnan graoußn Widaschtaondkämpfa

A unna kloins, friedsams Dörfal woa naoun leztn Gröich fest in Händan vaom Amerikana. Fümpf Soldaon hams unns voa dh Nosn gsez. Ud daaß mia Waoldla aofaongs glei gwißt hobm wea "Hear im Haous" is, isaas a schou a Aasgoangsschpear vapaaßt woan. Aoumds, ab naina, woas ba Schtraouf vabouan nu af dh Schtraouß za gaih. S' Dorf haout dhamaols meistns aas kloina Baouanhüaflan bschtaondn ud ma woa graod dhba, Kraout- ud Roumpflanzn ins Föld zbringa. Waal⁴ döi Dinga sua rar woan, wöi hoalt aollas za dh damalichn Zait, isma miet dean Zaich bsondas soarchfälte imgaonga, woalltma doch rächt boal zmindast genouch Roum ud Kraoutköpf faouttan kinna.

Aondaran Aacka, diräkt aom Waold, haoutma naou dh Arbat n Kraout-
mao afgschtöllt ud dös is sua voa sich gaonga: Daou is ao laonga ud ao kuarza Hualzpfluag zaaran Kreiz zamgnaoglt woan, wosma naou miet dh läangan Seitn fest in Buadn aigschteckt haout. Dös gaonze is naou miet Klaoidan, wöi Ruack, Juppm ud Hout, afpuzt woan. Ma haout a gean nua poa Blechbüxn oighängt, döi ham nämle rächt klap-
pat wenn dh Wiid gaonga is. Ud dea "Gäntlemao" hait vahinnan soalln, daaß ebbas Wüld aon döi gunga Pflanzla kummt. Waals oba damaols niat vül Wüld im Waold gemb haout, aas wechan Grud aa, Haoutma dean Kraoutmao haolt aas Gwohnheit higschtöllt.

Wöis naou af aoumds naina zouganga is, finsta woas schou a bißl, haout oina faa die Soldaon sein Patroliangaong gmocht um za seah, ob dh Aasgaongsschpear a aghaoltn wiad.

Wöia aon dean selbinga Aacka vabeikummt, siahta daou dean Kraout-
mao drinnschtaih. Ud waal dean dh Wiid nu "Lemb" ahaucht, dänkt dea aolte Kämpfa glei aon Partesana.

Ea gaiht aolso za Buadn ud schrait dean Ahnungslaousn daou drinn sa: "Haolt!" ingiearng.

Waal oba unna Ami moint ma legt graodnaa gecha ih oo, laißta saa Empi laous ud glei is dh Schpuuk im Föld vaschwundn.

Dhwaal kumma²⁹ a schou sei Kamaraon indaran Kianfoahzaich²⁹ Hülff. Aas Föld wiad aasglaicht, naou gaihts im Schturmlaaf quäaföldai. Schou naou kuarza Zait is dh maustaoute Kraoutmao gfunna ud wiad mietgnumma, waalma aon Sabotaesch dänkt.

Wöimase oba naou va unnara Seitn eakläat haout, ham döi "Kraout-
ud Roumboys" af aomaol Humoa zaigt ud ma ise glei mänschle gnaichta kumma.